

- 109 Arðskrá þessi staðfestist hér með samkvæmt lögum nr. 61 23. júní 1932, um lax- og silungsveiði, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 10. júní 1940.

Hermann Jónasson.

Páll Pálmason.

- 110
12. júní

SAMÞYKKT

fyrir Veiðifélag Árnesinga.

1. gr.

Félagið heitir Veiðifélag Árnesinga, skammstafað V. Á. Heimili þess og varnarþing er á Selfossi.

2. gr.

Félagssvæðið er allar þær jarðir, sem land eiga að eftirtöldum laxveiðiám og eru þær þessar:

Ölfusá: Óseyrarnes, Hraun, Hraunshjáleiga, Lágur, Hraunshóll, Flóagafll, Hallskot, Kaldaðarnes, Lambastaðir, Kálfhagi I og II, Arnarbæli, Auðsholt og hjáleiga, Kirkjuferja og hjáleiga, Litla-Sandvík, Kotferja, Stóra-Sandvík I og II, Eyði-Sandvík, Björk, Geirakot, Nabbi, Stekkar, Þórustaðir, Árbær, Selfoss I, II, III, Hellir og Fossnes, Laugardælur, Laugarbakkar, Tannastaðir.

Sog: Alviðra, Torfastaðir I og II, Norðurkot, Miðengi, Bildsfell, Tunga, Ásgarður, Syðri-Brú, Búrfell.

Hvítá: Skróðvangur, Öndverðarnes, Hraunkot, Stóra-Ármót, Snæfoksstaðir, Vaðnes, Langholt I og II, Hallandi, Stóru-Reykir, Litlu-Reykir, Arnarbæli I og II, Kiðjaberg, Hestur, Brúnastaðir I, II, Oddgeirshólar, Höfði, Austurkot, Hjálmholt, Laugar, Árhraun, Gíslastaðir, Vatnsnes, Hamrar I, II, Útverk, Miðbýli, Fjall I, II, Iða I, II, Skálholt I, II, Laugarás, Auðsholt I til IV, Höfði, Hvítárholt, Bræðratunga, Halakot, Ásakot, Lambhúskot, Galtalækur, Krókur, Borgarholt, Borgarholtskot, Bryðjuholt, Kópavatn, Gróf, Skipholt, Bergsstaðir, Drumboddsstaðir, Einholt, Haukholt, Foss, Hlíð, Gýgjarhóll, Gýgjarhólkskot, Brattholt, Tungufell, Jaðar.

Brúará og Hagaós: Hverakot (Sólh.), Kringla, Bjarnastaðir, Þórisstaðir, Reykjanes, Mosfell, Sel, Spóastaðir, Hagi, Miklaholt, Syðri-Reykir, Böðmósstaðir, Efri-Reykir, Efsti-Þalur I, II.

Tungufljót: Hrosshagi, Torfastaðir, Reykjavellir, Brautarhóll, Stóra-Fljót, Fell, Fellskot, Vatnsleysa I, II.

Fullsæll: Tjörn, Brekka.

Andalækur: Miðhús, Úthlíð, Hrauntún, Stekkholt, Austurhlíð, Stritla.

Litla-Laxá: Efra-Langholt I, II, Langholtskot, Ásatún (Snússa), Efra-Sel, Syðra-Sel, Hrafnkelsstaðir, Gróf, Grafarbakki I, II, Hvammur, Högnastaðir, Ás, Reykjadalsskot, Reykjadalur, Hruni, Þverspyrna, Berghylur, Kluffir, Flúðir.

Stóra-Laxá: Unnarholt, Unnarholtskot, Bjarg (Bolaf.), Eiríkibakki, Ósabakki, Syðra-Langholt I, II, Birtingaholt, Reykir, Sandlækur, Sandlækjarkot, Skarð, Glóra, Háholt, Hrepphólar, Hólakot, Núpstún, Sóleyjarbakki, Hlíð, Sólheimar, Laxárdalur, Hörgholt, Kaldbakur, Hrunakrókur.

3. gr.

110

12. júní

Tilgangur félagsins er að gera laxveiði á félagssvæðinu sem arðmesta með því:

- a. að reka sameiginlega laxveiði;
- b. að útrýma sel og öðrum veiðivargi, enda komi fullar bætur fyrir, samkvæmt landslögum;
- c. að stuðla að laxaklaki, eða reka það, ef svo ber undir;
- d. að koma upp eftirliti til þess að koma í veg fyrir ólöglega veiði.

4. gr.

Heimilt er félagsstjórn að leigja ár á félagssvæðinu, eða hluta af þeim, einstökum mönnum eða félögum, til stangaveiði ef sýnilegt þykir, að það sé hagur fyrir félagið. Þó má það leyfi eigi vera til lengri tíma en eins árs í senn, nema lögmætur fundur samþykki, og tekið hafi verið fram í fundarboði, að slík veiðileyfi yrðu til umræðu. Þó skulu jarðeigendur, sem hafa stundað stangaveiði fyrir landareign sinni, og sem kjósa að notfæra sér hana framvegis á sama hátt, hafa forgangsrétt til veiðiréttarins fyrir landareign sinni.

Félagsstjórn er og heimilt að reka laxveiði fyrir alla félagsmenn sameiginlega á einum stað eða fleirum, ef hentara þykir.

5. gr.

Óheimilt er öllum að veiða lax á félagssvæðinu nema með sérstöku og skriflegu leyfi félagsstjórnar. Skal þar tekið fram um veiðitíma og veiðitæki og með hvaða kjörum leyfið sé veitt.

Félagsmönnum og öðrum, sem á félagssvæðinu búa, er bannað að hafa með höndum ádráttarnet, nema þeir geti sannað, að nota eigi þau til veiða í vatni utan félagssvæðisins.

6. gr.

Æðsta vald í öllum félagsmálum hefir aðalfundur. Hann skal haldinn ár hvert fyrir lok aprílmánaðar. Til aukafundar getur félagsstjórnin kvatt, þegar henni þykir þess þörf. Skytt er stjórninni að kveðja til aukafundar, ef $\frac{1}{4}$ félagsmanna krefst þess skriflega og greinir fundarefni. Fundur er lögmætur, ef $\frac{2}{3}$ félagsmanna eru á fundi, eða hafa gefið öðrum, sem þar mæta, skriflegt umboð til þess að mæta fyrir sig.

Á fundum ræður afl atkvæða úrslitum mála, nema þar, sem samþykkt þessi mælir fyrir um aukinn meiri hluta.

Til funda skal kvatt með skriflegri tilkynningu til hvers félagsmanns eða tvítekinni tilkynningu í útvarpi með $\frac{1}{2}$ mánaðar fyrirvara.

7. gr.

Á aðalfundum skulu tekin fyrir þessi mál í þeirri röð, sem hér segir:

1. Stjórn félagsins skýrir frá hag þess og framkvæmdum á liðnu ári.
2. Endurskoðaðir reikningar félagsins fyrir liðið almanaksár með athugasemdum endurskoðenda lagðir fram og úrskurðaðir.
3. Kosid í stjórn félagsins samkv. 11. gr., bæði aðalmenn og varamenn.
4. Kosinn einn endurskoðandi úr flokki félagsmanna til tveggja ára og annar til vara.
5. Stjórnin lýsir eftir föngum hugmyndum sínum um rekstur félagsins á næsta starfsári.
6. Umræður og atkvæðagreiðslur um önnur mál, sem upp kunna að verða borin.

8. gr.

Til þess að gera breytingar á samþykkt þessari þarf $\frac{2}{3}$ atkvæða á lögmætum aðalfundi. Til þess að slíta félaginu þarf ályktun um það að hafa verið samþykkt á

110 tveimur lögmætum fundum í röð með eigi færri en $\frac{2}{3}$ atkvæða. Ef fundur verður
12. júní ekki lögmætur sökum fámennis, skal kveðja til fundar á ný innan þriggja vikna. Skál þá tekið fram í fundarboði, að til fundar sé kvatt á ný vegna þess, að ekki mættu nógu margir á hinum fyrra fundi til þess, að hann væri lögmætur. Er hinn síðari fundur þá lögmætur án tillits til þess, hve margir mæta á honum.

9. gr.

Í sérstaka gerðabók skal rita allar fundarsamþykktir orðréttar og stutta skýrslu um annað, sem gerist á félagsfundum. Fundargerðir skulu lesnar upp í fundarlok og bornar undir atkvæði. Skulu þær síðan undirritaðar af fundarstjóra, skrifara og viðstöddum stjórnarmönnum.

10. gr.

Stjórn félagsins skal skipuð 7 mönnum og 3 varamönnum, og skal jafnan 1 aðalstjórnarnefndarmaður, að minnsta kosti, vera af eftirtöldum svæðum: 1. Ölfushreppur, 2. Sandvíkurhreppur og Eyrarbakki, 3. Hraungerðishreppur og Grímsnes, 4. Gnjúpverja- og Hrunamannahreppar og Skeið, 5. Biskupstungur og Laugardalur. Varamaður gengur til fulls í stjórnina ef aðalmaður deyr eða vikur úr stjórninni á löglegan hátt, áður en kjörtími hans er liðinn. Varastjórnarmenn taka sæti í stjórninni í þeirri röð, að fyrstur kemur sá, sem kosinn var með flestum atkvæðum, o. s. frv.

Stjórn félagsins, aðalmenn og varamenn, skulu kosnir til þriggja ára í senn, og ganga þeir úr stjórninni á víxl, fyrsta árið 1, annað árið 2 samkv. hlutkesti, og síðan eftir starfstíma í stjórninni.

Enginn félagsmaður getur skorazt undan kosningu í stjórn félagsins nema um jafnmörg ár og hann hefir áður verið í stjórninni. Með samþykki hans má endurkjósa hann.

Stjórnin skiptir sjálf með sér verkum til eins árs í senn. Formaður kveður til funda og stjórnar heim. Stjórnarfundur er lögmætur ef meir en helmingur stjórnarmanna er á fundi. Úrslitum mála ræður afl atkvæði, en séu þau jöfn, ræður atkvæði formanns. Allar fundargerðir stjórnarinnar skulu ritaðar í gerðabók, og skrifa viðstaddir stjórnarmenn undir þær.

11. gr.

Félagsstjórnin ræður öllum félagsmálum milli félagsfunda, sér um framkvæmdir fyrir félagið, heldur reikninga þess og kveður til félagsfunda.

Félagsstjórnin hefir heimild til þess að taka lán fyrir félagið og getur skuldbundið það og eignir þess með ályktunum sínum og samningum.

12. gr.

Arði af starfsemi félagsins skal skipt niður á félagsmenn samkvæmt arðskrá, sem lögmætur fundur samþykkir. Gildir hún til tveggja ára í senn, nema fyrirfram sé ákveðið að hún skuli gilda um skemmri tíma. Náist ekki samkomulag um nýja arðskrá, að þeim tíma liðnum, geta menn krafizt mats samkvæmt lögum.

Félagsmenn greiða kostnað af starfsemi félagsins í sama hlutfalli og þeir taka arð.

13. gr.

Brot á samþykkt þessari varða sektum frá 10—1000 kr. og veiði eða andvirði hennar gerð upptæk og renni í sýslusjóð.

14. gr.

Nú er félaginu slitið, og sé það þá í skuld umfram eignir, skal jafna henni niður á félagsmenn í sama hlutfalli og þeir tóku arð.

Eignir þær, sem félagið kynni að eiga, skulu afhentar sýslunefnd Árnassýslu til 110
vörzlu, unz fiskræktar- eða veiðifélag er stofnað aftur á sama svæði. 12. júní

Samþykkt þessi staðfestist hér með samkvæmt lögum nr. 61 23. júní 1932 til þess
að öðlast gildi þegar í stað og birtist til eftirbreytni öllum þeim, sem hlut eiga að
máli.

Atvinnu- og samgöngumálaráðuneytið, 12. júní 1940.

Hermann Jónasson.

Gunnl. E. Briem.

S A M Þ Y K K T

111

20. júní

um breyting á samþykkt um lokunartíma sölubúða í Keflavíkurhreppi,
nr. 27 25. júní 1935.

1. gr.

1. málsgr. 2. gr. orðist þannig:

Alla virka daga árs skal verzlunum og brauðabúðum lokað eigi síðar en klukkan
6 síðdegis, og þær eigi opnaðar aftur fyrr en klukkan 8 árdegis næsta virkan dag.
Þó skulu vera þær undantekningar, er nú skal greina:

2. gr.

Á eftir 3. málsgr. 1. gr. komi ný málsgr. svo hljóðandi:

Tímabilið 20. maí til 20. september skal öllum verzlunum og brauðabúðum lokað
á laugardögum kl. 4 e. h. Á sama tímabili, 20. maí til 20. september, skal hafa opið til
kl. 8 e. h. á föstudögum.

3. gr.

Aftan við 3. gr. komi ný málsgr. svo hljóðandi:

1. maí, 17. júní, 1. desember skal loka kl. 12 á hádegi. Sumardaginn fyrsta skal
vera lokað allan daginn. Þó skulu brauðabúðir vera opnar þessa daga á sama tíma
og um getur í 4. gr.

Samþykkt þessi staðfestist hér með samkvæmt lögum nr. 17 1. febrúar 1936 til
að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 20. júní 1940.

Stefán Jóh. Stefánsson.

Gunnl. E. Briem.